


28 ФОЙЗЛИК  
ОМАД



4

ДЕХҚОННИ АЙБЛАМАНГ,  
НАРХНИ ТУШИРИШГА  
УНДАМАНГ




6

ВАКЦИНА  
ОЛИНГ!



7

ИНТЕРНЕТСИЗЛИК АЗОБИ



8



№ 25  
2021-йил, 30-июн  
Chorshanba (32.667)

Ijtimoiy-siyosiy gazeta

1918-yil 21-iyundan chiqqa boshlagan

# O'zbekiston OVOZI

Улуғлардан улуғимсан, Ватаним!

## БУГУНГИ ҲАРАКАТ ЭРТАГА ҲАМ НАТИЖА БЕРСИН

Бугун мамлакатимизнинг барча ҳудудларида аҳоли яшайдиган масканларни обод қилиш ва халқ учун муносиб шароитлар яратиш борасида кенг қўламдаги ишлар олиб борилмоқда.

Бунга ҳар қадамда гувоҳ бўлишимиз мумкин. Пойтахтимиздаги бир қатор маҳаллаларда ҳам қурилиш, ободонлаштириш ишлари жадаллашмоқда. Бунга ҳар биримиз ўз маҳалла ва унинг атрофидаги ўзгаришлардан қўришимиз мумкин.

Бироқ "Обод маҳалла" давлат дастурида кўзда тутилган бир қатор лойиҳаларни ўз вақтида ва сифатли амалга оширишда камчиликлар бўйича жамоатчиликдан таклифлар, эътирозлар келиб тушмоқда.

Пойтахтимизнинг Яшнобод туманидаги Наврўзобод маҳалласида жойлашган 43-53 кўп қаватли уйлар атрофини обод қилиш дастурга киритилган бўлса-да, мана икки ҳафта давомида қурилиш ишлари олиб борилмаяпти. Ушбу масала жойида ўрганилганда қурилиш материаллари ўз вақтида етиб келмаганлиги ва қурувчи ишчи кучининг етишмаслиги натижасида шундай ҳолатлар юз бераётганлиги баҳона қилинади. Ваҳоланки, камчиликларнинг олдини олиш учун масъуллардан самарали ва тизимли ишларни йўлга қўйиш талаб этилади.

Худди шунингдек, Яққасарой тумани, Миробод кўчаси, "Боғсарой" маҳалласида жойлашган 12, 6, 8, 10, 16, 18, 20, 22-уйларнинг олди қисмида ҳам "Обод маҳалла" дастурининг сифатли ва самарали амалга оширилиши билан боғлиқ ҳолатлар кенг жамоатчилик муҳокамасига сабаб бўлмоқда. Бу борада ҳам ижро этувчи тузилмаларнинг масъулиятини ошириш, шомша-шошарликка берилмасдан, сифат ва энг муҳими, одамлар учун қулай шароитларни юзага келтириш муҳим. ЎзХДП Тошкент шаҳар кенгаши фаоллари томонидан ўрганишлар олиб борилганида бу ҳудудда ҳам муаммолар етарлиги, ишлар чала амалга оширилганига гувоҳ бўлдик. Жамоатчиликнинг эътирозлари асосли.

Бир нарса аниқ. Биз дастурлар ижросида депутатлик ва жамоатчилик назоратини янада кучайтиришимиз керак, бусиз керакли натижага эришолмаймиз. Ушбу муаммолар масалаларни чуқур ўрганган ҳолда, уларга ечим топиш учун халқ депутатлари Тошкент шаҳар Кенгашига тегишли тавсияларимизни бердик. Тез орада шаҳар Кенгашидаги ЎзХДП депутатлик гуруҳи Тошкент шаҳар ҳокимиятига тегишли сўров киритишни режалаштирмоқда.

Бу борада Ўзбекистон ХДП Тошкент шаҳар кенгаши ва партия депутатлари томонидан ўрганишлар давом эттирилади.

Ўзбекистон ХДП  
Тошкент шаҳар кенгаши



## ҲАШАМАТГА

## МУККАСИДАН КЕТГАНЛАР

ТАБАҚАЛАШТИРИЛГАН ТИЗИМ БЎЙИЧА СОЛИҚ ТЎЛАШИ ЗАРУР

ХАЛҚ ДЕМОКРАТИК  
ПАРТИЯСИ ПАНДЕМИЯ  
ВА УНДАН КЕЙИНГИ  
ДАВРДА КАМ ДАРОМАДЛИ  
ЮРТДОШЛАРИМИЗ ДУЧ  
КЕЛАЁТГАН МУАММОЛАРНИ  
ЕНГИЛЛАШТИРИШ БЎЙИЧА  
МАМЛАКАТИМИЗДА ЯНГИЧА  
ТИЗИМ ЖОРИЙ ЭТИШ,  
ИЖТИМОЙ-ИҚТИСОДИЙ  
ИМКОНияТЛАРИ  
ЧЕКЛАНГАН КИШИЛАРНИНГ  
МАНФААТЛАРИНИ  
ҲИМОЯЛАШ ЗАРУР, ДЕБ  
ҲИСОБЛАЙДИ.

БОЙЛАР КЎПРОҚ ТЎЛАШИ,  
ИЖТИМОЙ МАСЪУЛИЯТНИ  
ЗИММАСИГА ОЛИШИ  
КЕРАКЛИГИ ҲАҚИДАГИ  
ТАШАББУСЛАРИМИЗ  
КИМЛАРГАДИР ХУШ  
КЕЛМАСЛИгини ҲАМ  
ЯХШИ ТУШУНАМИЗ. ЛЕКИН  
ИЖТИМОЙ БАРҚАРОРЛИКНИ  
САҚЛАШ ВА МУСТАҲҚАМЛАШ  
УЧУН БУ ЖУДА МУҲИМ  
МАСАЛА.

2

30 ИЮНЬ — ЁШЛАР КУНИ

Ўзбекистон Халқ демократик партияси сафида 18 ёшдан 30 ёшгача бўлганлар 240 минг нафарни ташкил қилади. Уларнинг 27 нафари маҳаллий Кенгашлар депутатлари, 49 нафари Қонунчилик палатаси ҳузуридаги ёшлар парламенти, 14 нафари Сенат ҳузуридаги ёшлар парламенти аъзоси ҳисобланади. 200 нафардан ортиғи раҳбарлик лавозимларида фаолият олиб боради.



## ТОШКЕНТ ШАҲРИДА "ЯНГИ ЎЗБЕКИСТОН" УНИВЕРСИТЕТИ ТАШКИЛ ЭТИЛДИ

Манба: ПҚ-5158-сон, 23.06.2021 й.

@huquqiyaxborot

### УНИВЕРСИТЕТДА ТАЪЛИМ ЖАРАЁНИ

- 2021/2022 ўқув йилидан бошланади
- давлат ва инглиз тилларида, кредит-модуль тизими асосида олиб борилади
- "фан - таълим - ишлаб чиқариш интеграцияси" тамойили асосида ташкил этилади
- давлат гранти ва тўлов-контракт асосида амалга оширилади

Талабаларни қабул қилиш параметрлари Президент, ижод ва ихтисослаштирилган мактабларни ривожлантириш агентлиги билан келишган ҳолда Университет томонидан ўрнатилади

### ДАВЛАТ ГРАНТИ ҚЎЙИДАГИЛАРГА НИСБАТАН ТАТБИҚ ЭТИЛАДИ:

- халқаро даражадаги тегишли дастурлар (International Baccalaureate, Advanced Placement, International Advanced Levels) дипломи ёки сертификатига эга Президент мактаблари битирувчиларига
- Агентлик тизимидаги ижод ва ихтисослаштирилган мактаблар учун ажратиладиган қабул параметрларига мувофиқ кириш имтиҳонлари асосида ушбу мактаблар битирувчиларига
- Университетга кириш имтиҳонларидан муваффақиятли ўтган Халқаро математика олимпиадаси (IMO), Халқаро физика олимпиадаси (IPhO), Халқаро киме олимпиадаси (IChO), Халқаро биология олимпиадаси (IBO), Халқаро информатика олимпиадаси (IOI) ғолибларига
- Университетга кириш имтиҳонларидан юқори балл тўплаган Ўзбекистон фуқароларига
- Университетга кириш имтиҳонларидан муваффақиятли ўтган "Ижтимоий химоя ягона реестри"га киритилган оилалар фарзандларига













